

Powšitkowne WOZJEWJENJA

njedźelu, 9. septembra 2018

Swójbna njedźela w Smochćicach

Smochčanski Dom biskopa Bena přeprašuje tutu njedźelu, 9. septembra, wutrobnje na swójbnju swjedzeń. Wot 13 do 16 hodź. wočakuje wopytowarjow pisany program za wšitke starobne skupiny. Dokelž je na tutym dnju tež džen wotewrjeneho pomnika, poskićuja tam w 14.30 hodź. a 16.00 hodź. wjedzeni po cyłym arealu Domu biskopa Bena. Wšitcy zajimcy su wutrobnje přeprašeni.

Putnikowanje biskopstwa do Wechselburga

Lětsa přewjedže Drježdžansko-Mišnjanske biskopstwo zaso centralne putnikowanje wěriwych wšeje diecezy. K tomu přeprašuje wone njedźelu, 16. septembra, do Wechselburga. Tam swjeća lětsa jubilej poswjećanja baziliki před 850 lěty. Hesło putnikowanje rěka „Štóžkuli sy – JEHO słowo płaci tebi“. Po swjatočnej Božej mši z biskopom Heinrichom Timmereversom, kotraž zahaji so w 10 hodź., změja wěriwi přiležnosć k zetkanju. Wšelake iniciatiwy a akcije z Drježdžansko-Mišnjanskeho biskopstwa so tam předstaja, mjez druhim Towarstwo Cyrila a Metoda z.t. Z nyšporom so putnikowanje wokoło 15 hodź. skónči.

Štóž chcył sej z busom tam dojeć, měł so w Radworju pola Šmitec přizjewić, telefonowe čisło (03 59 35) 28 60. Planowane je, zo bus wokoło sedmich z Radworja a Chrósćic, z Wechselburga njeposrědnje po nyšporje wotjědže. Je-li z druheje wosady wjetša skupina, kotraž so přizjewi, zasadža bus tež wottam.

Běh wo pokal zbóžneho Alojsa

Składnostnje lětušich 75. posmjertnych narodnin zbóžneho kapłana Alojsa Andrickeho su sportowcy wšěch starobnych skupin wot šěsć lět na běh wo pokal k jeho česći srjedu, 3. oktobra, do Radworja přeprašeni. Započatk při sportnišću je w 10 hodź. Běhać budže so na čarach po 500, 1.000, 1.500 a 6.000 metrach. Přeprašeni su jednotliwcy runje tak kaž cyłki, na přikład šule, wosadne kružki, sportowe jednotki a wjesne kluby. Na běh wo pokal zbóžneho Alojsa přeprašuja Towarstwo Cyrila a Metoda z.t. (TCM), Sportowa jednotka 1922 Radwor, wjesna skupina strony CDU, Radworska gmejna a Radworski młodźinski klub. Zajimcy měli so hač do srjedy, 26. septembra, za běh přizjewić, po móžnosći z mailku na Katolski@Posol.de abo telefonisce w redakciji Katolskeho Posola pod čisłom (0 35 91) 55 02 12.

Zetkanje młodostnych a młodych žonow

W Budyskim klóšterku wotměwaja so prawidlowne zetkanja młodostnych a młodych žonow, zo bychu so wo swojim žiwjenju z Bohom wuměnjeli a zhromadnje swójski žiwjenski puć nadešli. Přichodne tajke zetkanje je wot pjatka do njedźele, 28. do 30. septembra. Wone zahaji so pjatk we 18 hodź. z wječerju. Kónc je njedźelu z wobjedom. Wutrobnje přeprašene su młodostne a młode žony mjez 14 a 35 lěty, kotraž za swojim wosobinskim žiwjenskim směrom pytaja. Přizjewić móžeja so zajimče w Budyskim klóšterku, telefonowe čisło (0 35 91) 21 10 83 abo z mailku na klarissen@gmx.de. Tež nadrobniše informacije tam dóstanu.